



Broj/ Број : 02/2-50-1-69-30-10/05
Sarajevo/ Сарајево : 18. 03. 2005.

Z A P I S N I K

sa 30. sjednice Komisije za vanjsku i trgovinsku politiku Doma naroda Parlamentarne skupštine BiH održane 10. 03. 2005. godine

Tridesetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Vinko Radovanović i Osman Brka, kao i Nevenka Savić, sekretar Komisije. Velimir Jukić bio je opravdano odsutan. (Napomena: delegat Doma naroda i član Komisije g. Nade Radović je suspendiran Odlukom visokog prestavnika.)

Osim navedenih, sjednici je, u svojstvu predstavnika predlagača, prisustvao g. Mirsad Salkić, predsjedavajući Državne regulatorne komisije za električnu energiju.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

DNEVNI RED

1. Usvajanje Zapisnika sa 29. sjednice Komisije;
2. Prijedlog zakona o izmjenama i dopunama zakona o akcizama Bosne i Hercegovine – predlagač delegat Tomislav Limov;
3. Prijedlog zakona o duhanu – predlagač delegat Tomislav Limov;
4. Prijedlog zakona o akcizama na duhanske proizvode – predlagač delegat Tomislav Limov;
5. Saglasnost za ratifikaciju Evropske konvencije o pranju, traganju, privremenom oduzimanju i oduzimanju prihoda stečenog krivičnim djelom – predlagač Predsjedništvo BiH;
6. Saglasnost za ratifikaciju Konzularne konvencije između Bosne i Hercegovine i Republike Turske – predlagač Predsjedništvo BiH;

7. Saglasnost za ratifikaciju Sporazuma između Vijeća ministara Bosne i Hercegovine i Vlade Republike Italije o uzajamnom reguliranju međunarodnog cestovnog prijevoza putnika i tereta – predlagač Predsjedništvo BiH;
8. Razmatranje Izvještaja o radu Državne regulatorne komisije za električnu energiju u 2004. godini;
9. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 29. sjednice Komisije

Zapisnik sa 29. sjednice Komisije je jednoglasno usvojen.

Ad. 2-4. Prijedlog zakona o izmjenama i dopunama zakona o akcizama Bosne i Hercegovine – predlagač delegat Tomislav Limov; Prijedlog zakona o duhanu – predlagač delegat Tomislav Limov; Prijedlog zakona o akcizama na duhanske proizvode – predlagač delegat Tomislav Limov

U vezi sa navedenim prijedlozima zakona, članovi Komisije su jednoglasno donijeli sljedeće zaključke:

- Da se Vijeću ministara BiH uputi dopis kojim će se zatražiti dostavljanje mišljenja za sva tri gore pomenuta prijedloga zakona;
- Da se Upravi za indirektno oporezivanje uputi dopis kojim će se zatražiti mišljenje za Prijedlog zakona o izmjenama i dopunama zakona o akcizama Bosne i Hercegovine i Prijedlog zakona o akcizama na duhanske proizvode;
- Da se Vijeću ministara BiH i Upravi za indirektno oporezivanje uputi dopis kojim će biti upozoreni na obavezu iz Zaključka Doma naroda usvojenog na 36. sjednici Doma kojim se zahtijeva od Vijeća ministara BiH i Uprave za indirektno oporezivanje da najkasnije do 31. 1. 2005. godine sačine i dostave u parlamentarnu proceduru Prijedlog zakona o izmjenama i dopunama Zakona o akcizama BiH, kojim će se proširiti premet oporezivanja u skladu sa diskusijama i prijedlozima poslanika i delegata iznesenim na sjednicama komisija i domova.

Ad. 5. Saglasnost za ratifikaciju Evropske konvencije o pranju, traganju, privremenom oduzimanju i oduzimanju prihoda stečenog krivičnim djelom – predlagač Predsjedništvo BiH

Predsjedavajući Komisije je konstatirao da predstavnik predlagača nije prisutan na sjednici, iako je na vrijeme obavješten o održavanju sjednice. Članovi Komisije su jednoglasno odlučili da ovu Konvenciju skinu sa Dnevnog reda, a da se predlagaču uputi dopis kojim će se upozoriti na član 80. Poslovnika Doma naroda, koji kaže da je predlagač dužan da učestvuje na sjednici komisije, a ako po pozivu ne učestvuje ni na narednoj sjednici, smatraće se da je odustao od prijedloga.

Ad. 6. Saglasnost za ratifikaciju Konzularne konvencije između Bosne i Hercegovine i Republike Turske – predlagač Predsjedništvo BiH

O Konvenciji je, u odsustvu predlagača, govorio predsjedavajući g.Čengić. On je rekao da je ovo tipska konvencija, te su članovi Komisije jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Konvencije.

Ad. 7. Saglasnost za ratifikaciju Sporazuma između Vijeća ministara Bosne i Hercegovine i Vlade Republike Italije o uzajamnom reguliranju međunarodnog cestovnog prijevoza putnika i tereta – predlagač Predsjedništvo BiH

O Sporazumu je, u odsustvu predlagača govorio predsjedavajući g.Čengić. Članovi Komisije jednoglasno su odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 8. Razmatranje Izvještaja o radu Državne regulatorne komisije za električnu energiju u 2004. godini

Članovi Komisije su primili k znanju Izvještaj uz sljedeće zaključke:

- Komisija za vanjsku i trgovinsku politiku očekuje da Državna regulatorna komisija za električnu energiju do 1. 6. 2005. godine donese sljedeće podzakonske akte: Pravilnik o tarifnom postupku, Pravilnik o proceduri izdavanja licenci i Pravilnik o javnim raspravama;
- Sugerira se da izvještaj o radu za narednu godinu sadrži detaljniji plan rada sa rokovima;
- Komisija za vanjsku i trgovinsku politiku traži od Državne regulatorne komisije za električnu energiju da u roku od 6 mjeseci pripremi informaciju za Komisiju za vanjsku i trgovinsku politiku Doma naroda Parlamentarne skupštine BiH o aktivnostima Komisije u tom periodu;
- Vijeću ministara BiH, odnosno, nadležnim ministarstvima uputiti dopis kojim će se upozoriti na:
 - a) kašnjenja u realizaciji obaveza u vezi sa Zakonom o osnivanju kompanije za prijenos električne enrgije u Bosni i Hercegovini i Zakonom o osnivanju Nezavisnog operatera sistema za prijenosni sistem u Bosni i Hercegovini, a posebno u vezi sa formiranjem Kompanije za prijenos električne energije (Elektroprenos BiH) i Nezavisnog operatera sistema (NOS),
 - b) kašnjenja u provođenju reformi elektro-energetskog sistema u Bosni i Hercegovini.

Ad. 9. Tekuća pitanja

Rasprava nije vođena.

Predsjedavajući Komisije

Hasan Čengić